



Bård Kleppen Watn
Osvegen 480
6453 KLEIVE

Saksbehandlar, innvalstelefon

Pernille Stordal Rønning, 71 25 84 83

Løyve til å sanke tang i Osen naturreservat - Molde kommune

Statsforvaltaren i Møre og Romsdal viser til søknad av 10.05.2022 frå Haugneset gard v/Bård Watn og Mads Pålsrud om å få sanke tang til eige bruk frå strandlinje på gnr/bnr 88/6 i Osen naturreservat i Molde kommune.

Vedtak


Statsforvaltaren gir Haugneset gard v/Bård Watn og Mads Pålsrud løyve til manuell sanking av tang til eige bruk frå strandlinje på eige eigedom gnr/bnr 88/6. Det er satt vilkår til løyvet. Heimel for vedtaket er § 5.7 i verneforskrifta for Osen naturreservat.

Vilkår

- Sanking av tang skal skje innanfor avgrensa område i kart (fig. 1).
- Dersom det er fugl som hekkar innanfor det merka området må sankinga utsettast til reiret er forlate.
- Årleg mengde sankta tang skal ikkje overstige 2 m³.
- Løyvet gjeld for en periode på tre (3) år frem til 1. juni 2025.

Søknaden

Haugneset gard v/Bård Watn og Mads Pålsrud søker om å få sanke tang frå eiga strandsone på gnr/bnr 88/6 i Osen naturreservat. Tang skal brukast som jordforbetring/gjødsel på åkeren til andelsgården. Dei ønsker å sanke tang som blir skylt på land i løpet av vinteren, altså laus tang som ligg i strandsona. Sankeområdet er mellom naust og sjø, merka i kart (sjå figur 1). Anslått mengde på ein til to kubikkmeter (1-2 m³) i året. Sankinga vil i følge søknaden skje skånsamt i perioden april til mai.



Figur 1: Område for sanking av tang i Osen naturreservat.

Lovgrunnlaget

Søknaden er vurdert opp mot gjeldende verneforskrift, fastsett ved kongeleg resolusjon 08.11.2002 (FOR-2002-11-08-1231). I følge § 3.1 er all vegetasjon på land og i sjøen, også daude plantar, freda mot skade og øydelegging. Det er forbode å fjerne plantar eller plantedelar frå reservatet. Det kan etter søknad gjevast løyve til tang- og taresanking i medhald av § 5.7.

Søknaden må vurderast etter prinsippa i naturmangfaldlova (nml) §§ 8-12, jf. § 7. Dette er prinsipp som omfattar vurdering av kunnskapsgrunnlag (§ 8), føre-var-omsyn (§ 9), samla belastning (§ 10), kostnader knytt til eventuell skade på naturmangfald (§ 11) og miljøforsvarleg teknikk og driftsmetode (§ 12).

Statsforvaltaren si vurdering

Formålet med naturreservatet er å ta vare på eit landskap som inneheld strandenger og vågos ved utløpet av eit verna vassdrag med eit stort sett intakt økosystem.

Forvaltningsplanen viser til at verneforskrifta gir rom for å søke om sanking av tang, og peiker på at sankinga i så fall må vere manuelt uttak frå land eller mindre båt, og ikkje for kommersiell bruk.

Uttak av litt tang i det avgrensa område som er markert på kartet (sjå figur 1) vil ikkje ha negativ effekt på verneverdiane. Strandengene er best utvikla på grusøyar utanfor elveosen, og det aktuelle området for tangsanking ligg utafor de mest sentrale strandengane. Arealet utgjer eit liten del av strandengene i naturreservatet, og er i eit område med aktivitet relatert til naust og båtstø. Det er



ikkje påvist noko sjeldne fugleartar som hekkar i området. Det er satt vilkår knytt til ev. hekking av fugl.

Kunnskapen om verknader på naturmangfaldet er tilstrekkeleg til å vurdere saka (nml § 8), og føre-var-prinsippet blir ikkje tillagt vekt (nml § 9). Den samla belastinga på økosystemet aukar ikkje vesentleg (nml § 10), og det er satt vilkår for løyvet (nml §§ 11 og 12).

Anna lovverk

Vi gjer merksam på at vedtaket berre omfattar løyve frå verneforskrifta. Nødvendige løyve etter anna lovverk må avklarast med rette myndigheiter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Bjarne Otnes (e.f.)
fagleiar

Pernille Stordal Rønning
rådgivar

Dokumentet er elektronisk godkjent

Kopi til:
MOLDE KOMMUNE

Rådhusplassen 1

6413

MOLDE